



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

20. Stephanus Papa fundationem Abbatiae Broniensis, in Comitatu Namurcensi, an. 942. confirmat; Romae existente & coram petente S. Gerardo, Abate ac fundatore Broniensi.

urn:nbn:de:hbz:466:1-10903

runt. Quod opidum hodie Traiectum ad Mosam, neutrō genere, sed barbarē, nuncupatur, vulgō *Maeſtricht*: Ammiano Marcellino Opticesium, quasi dicas *Oppertricht*. Hinc nonnulli Traiectum superius nominant, ad distinctionem Traiecti seu potius Traiectus inferioris, ad Rhenum in Batavis siti, & vulgō *Ultraiectum*, *Vtrech*, nuncupati.

C A P V T X X.

Stephanus Papa fundationem Abbatia Broniensis, in Comitatu Namurcensi, an. 942. confirmat, Rome existente, & coram petente S. Gerardo Abate ac fundatore Broniensi.

IN nomine sanctæ & indiuiduæ Trinitatis, & S. Mariæ semper virginis. STEPHANVS, Sedis Apostolicæ sumimus Episcopus, ieruuus seruorum Dei, fratribus ac filijs nostris per vniuersum orbem terrarum in fide Catholica degentibus.

Notum cupimus esse omnibus tam præsentibus quam futuris, qualiter filius ac frater noster diuina annuente clementia, Gerardus Abbas nobis innotuit de monasterio Broniensi, quod in mensu reformatum & restauratum, in honore S. Dei genitricis semper virginis Mariæ, sanctorumque Apostolorum Petri & Pauli, & S. Ioannis Baptiste.

Post vero multorum Sanctorum pignora, congregauit ibi corpus etiam S. Eugenij martyris, Archiepiscopi Toletanæ sedis, discipuli & ordinati S. Dionysij Archiepiscopi, & cum magna reverentia & honore inibi attulit: hereditatem quoque propriam tam in agris quam mancipijs, & in omnibus iure hereditario adiacentibus devote ac voluntariè ad præfatum dedit monasterium.

Postquam autem nobis hoc indicauit, prouolutus pedibus nostris petijt, quatenus auctoritate Apostolorum Petri & Pauli malediceretur omnis, qui de eodem monasterio aliquid conaretur, tam de reliquijs Sanctorum, quam de vestimentis & libris, & de territorijs auferre, atque de mancipijs vel de alijs quibuslibet rebus, quas nunc habet sibi datas, vel ultra possit Dei misericordia obtinere.

Hoc

Hoc quoque magnopere expetijt, vt eodem constringatur anathemate quicumque priuilegium, quod de eodem loco & monasterio iam regia magnificentia & imperialis sanxerat auctoritas, aliquatenus præsumeret infringere:

Scilicet: nullus Episcopus, nullus Comes, nullus Aduocatus, nullus Iudex publicus, nec quilibet ex iudicaria potestate, in ecclesiis aut loca, vel agros, seu reliquas possessiones memorati monasterij præsumat ingredi, aut ad causas audiendas, aut precaturas faciendas, aut freda vel tributa, aut obsonia quælibet exigenda, vel mansiones, aut situas, vel patadas faciendas, aut fidejusfores tollendos, aut homines eiusdem monasterij, tam ingenuos quam seruos, super terram ipsius commanentes, iniuste distingudos, nec ad villas redhibitiones aut illicitas occasionses requiriendas, nostris & futuris temporibus.

Sed liceat memorato Dei seruo Gerardo, suisque successoribus res prædicti monasterij, cum monachis suis, sub immunitatis nostræ defensione, quieto ordine possidere & ordinare, absque cuiuslibet arbitri communione, nisi ipso Abbe & suis monachis id rationabiliter fieri petentibus.

Hoc quoque firmari expetijt nihilominus, vt eadem damnetur maledictione, quicumque locum ipsum & loci incolas, infra suos terminos hostili incendio, vel cæde, aut aliqua iniusta oppressione præsumplerit aliquatenus depopulari, vel infringere.

Astantibus igitur Episcopis & confratribus huius sanctæ Romanæ Sedis, & consentientibus, petitionem famuli Dei Gerardi Apostolica auctoritate firmari decreuimus.

Igitur auctoritate Patris & Filii & Spiritus Sancti, & S. Mariæ semper virginis, Deigenitricis, & omnium cœlestium Virtutum, & S. Ioannis Baptiste, & sanctorum Apostolorum Petri & Pauli, S. Eugenij martyris, eiusdem loci patroni & prouisoris, & Sanctorum, quorum reliquiae inibi sunt, simulque omnium Sanctorum, quorum nomina scripta sunt in libro vite, excommunicamus, anathematizamus, damnamus omnes, qui horum quidpiam, quæ de immunitate & libertate Broniensis ecclesie & loci prelibata sunt, irritum fecerint vel infregerint, nisi resipuerint, & pœnituerint, & ab Abbe & fratribus eius veniam promeruerint, & de cetero emendauerint.

M m a

At

At verò qui obseruator exstiterit huius nostræ præceptionis, & regiæ sanctionis, gratiam & misericordiam, vitamque æternam à misericordissimo Domino Deo nostro consequi mereatur.

Ego CASTORIUS Notarius regionarius & Scriniarius sancte Romanæ Ecclesiæ, corroborante Apostolica auctoritate, & sancto Papa Stephano suggestente, recognoui.

Signum Domini STEPHANI Papæ glorioſi.

Data V. Kalendas Maij, anno ab Incarnatione Domini
Actum Romæ feliciter, amen.

Ego Leo sanctæ Romanæ Ecclesiæ Archipresbyter, ro-

gante domino nostro Stephano, subscripsi, amen.

Ego Dairinus Episcopus, iubente eodem Episcopo, sub-

scripsi, amen.

Ego Valentianus Episcopus subscripsi, amen.

Ego Agapitus Episcopus ipso iubente subscripsi, amen.

Ego Emerentianus Episcopus subscripsi, amen.

Ego Simphorianus Episcopus subscripsi, amen.

Ego Liberius Episcopus subscripsi, amen.

Ego Laurentius Episcopus subscripsi, amen.

Ego Florentius Episcopus subscripsi, amen.

Ego Gregorius Episcopus subscripsi, amen.

Ego Gaudentius Episcopus subscripsi, amen.

Ego Clementianus subscripsi, amen.

Ego Vrbanus Episcopus, iussu domini Stephani Papæ, sub-

scripsi, amen.

Hilduinus Mediolanensis Archiepiscopus subscripsi, amen.

Wido Placentinensis Episcopus subscripsi, amen.

Petrus Cumensis Episcopus subscripsi.

Ainardus Basiliæ Episcopus subscripsi, amen.

Richuinus Stratburgis Episcopus subscripsi, amen.

Rotherus Treuiris Archiepiscopus subscripsi, amen.

Benedictus Metensis Episcopus subscripsi, amen.

Richarius Leodicensis Episcopus subscripsi, amen.

Stephanus Cameracensis Episcopus subscripsi, amen.

N O T A

NOTATIONES.

BRONIVM) hodie S. Gerardi Abbatia, Benedictinorum, annexa
Episcopatui Namurcensi.

Stephanus Papa an. 939. creatus, obiit an. 943.

ROTHERVS) f. Rotbertus A. Treucrenensis.

CAPUT XXI.

*Conrado Lotheringie Duce postulante, Otto I. Imp. an. 944
dat Farabero Leodicensi Episcopo monasterium Eiche,
quod nunc est Canonicorum collegium, in ditio-
nis Leodicensis opido Maseica.*

IN nomine sanctæ & indiuiduæ Trinitatis. OTTO, diuina prouidentia Rex.

Si locis divino cultui mancipatis aliquid impendimus, augmentum
æternæ remunerationis cumulum speramus inde nos adepturos.

Quocirca nouerit omnium fidelium nostrorum cautela, tam præsentium quam succendentium, qualiter ob amorem omnipotentis
Dei, interpellante nostram liberalitatem Duce CONRADO, tradidimus ad Leodicensem Sedem, in honore semper virginis Mariæ de-
dicatam, quoddam monasterium, EICHE vocatum, super fluuium
Votra constructū, sium in pago Husce, in Comitatu Rodulphi, qua-
tenus præfatæ ecclesiæ, cui modò præst FARABERTVS Episcopus:
suique successores eamdem inde teneant potestatem, quam in re-
liquis habent rebus ad suam Sedem pertinentibus, cum omnibus ad
prænotatum cœnobium iuste spectantibus terris, mancipijs, cun-
ctisque, quæ dici vel nominari possunt.

Et ut hæc auctoritas nostra, præceptumque traditionis inuolatum
deinceps permaneat, iussimus hoc conscribi, sigillique nostri
impressione munitum firmari.

Signum domini OTTONIS Serenissimi Regis.
EIMO Notarius, ad vicem Brunonis Archicancellarij, recog-
noui.

Mm 3

Actum